


# Yr Adran Gofal Cymdeithasol a Thai

## Is-adran Diogelu'r Cyhoedd


### A ydych *chi* yn defnyddio ysgolion?

### A ydych yn defnyddio ysgolion *yn ddiogel*?



**Y Ffordd Gywir**

- ✓ Nid yw'r ysgol wedi'i difrodi.
- ✓ Yr uchder iawn ar gyfer y gwaith
- ✓ Esgidiau gwastad
- ✓ Ffyn (grisiau) glân
- ✓ Pedair troed gwrthlithro



✓ Yn bodloni safonau  
Prydain neu Ewrop  
BS 2037  
BS 1129  
BS 7377  
BS EN 131  
(neu EN 131)

- ✓ Peidio â gorymestyn
- ✓ Gafael dda
- ✓ Yn wynebu'r gwaith
- ✓ Y gwaelod yn wastad ac yn gadarn

**Peidiwch â bod yn un o'r ystadegau – ‘  
BYDDWCH YN DDIOGEL’!**

**Os hoffech gael y  
wybodaeth hon mewn print  
bras, Braille neu ar gasét  
ffoniwch  
 **01267 228925****

Gellir cael rhagor o wybodaeth am y gwasanaethau a  
ddarperir gan Gyngor Sir Caerfyrddin ar wefan y Cyngor:  
[www.sirgar.gov.uk](http://www.sirgar.gov.uk)

SCH64/01/06/b

## A wyddech chi fod, yn 2005:

- 27,000 o bobl wedi cwmpo oddi ar ysgolion;
- 1,200 wedi cael eu hanafu'n ddifrifol;
- 13 wedi cael eu lladd!

## Cynghorion ar gyfer Defnyddio Ysgol yn Ddiogel

Dilynwch y cynghorion diogelwch hyn:

- **Archwiliwch yr ysgol.** Gwiriwch yr ysgol i weld a oes unrhyw sgriwiau, golfachau neu ffyn (grisiau) yn rhydd ac y byddai gofyn ichi eu cyweirio cyn rhoi'r ysgol i gadw dros y gaeaf.
- **Gosodwch yr ysgol yn ei lle yn gywir.** Dylai pob ysgol gael ei gosod ar wyneb gwastad, cadarn. Ni ddylai fod saim nac unrhyw beth ar yr wyneb a allai beri i'r ysgol lithro. Peidiwch â defnyddio ysgol ar lawr anwastad.
- **Dewiswch yr ysgol iawn ar gyfer y gwaith.** Os ydych yn gweithio yn weddol isel, megis yn golchi ffenestri yn y tŷ, dewiswch stôl step neu ysgol gyffredin. Mae ysgolion y gellir eu hestyn yn ddelfrydol ar gyfer gweithio'r tu allan pan fydd angen cyrraedd man uchel e.e., cafnau ar do tŷ.
- **Cymerwch ofal wrth symud deunyddiau pan fyddwch ar yr ysgol.** Byddwch yn ofalus wrth wthio neu dynnu unrhyw beth oddi ar silffoedd pan fyddwch ar yr ysgol. Gallech golli'ch cydbwysedd a chwmpo.

- **Symudwch yr ysgol yn agosach at y gwaith bob amser.** Gallech golli'ch cydbwysedd pe baech yn gorymestyn neu bwysu gormod i un ochr pan fyddwch ar yr ysgol.
- **Byddwch yn ofalus wrth ddringo.**  
**Gofynnwch am gymorth os oes angen.**  
Byddwch yn ddiogel. Gofynnwch i rywun ddal yr ysgol tra byddwch yn ei dringo. Cadwch at ganol ffyn yr ysgol wrth ichi ddringo, gan ddal ochrau'r ysgol â'ch dwy law. **Dylai'r ddwy law fod yn wag wrth ichi ddringo'r ysgol.**
- **Peidiwch â defnyddio ysgol lle ceir drws.**
- **Gofalwch eich bod yn gwisgo'r esgidiau cywir** a bod y gwadnau yn lân ac yn sych.
- **Osgowch gario llwythi trymion i fyny/i lawr yr ysgol.**
- **Peidiwch â gorlwytho'r ysgol – gall ysgol dorri.**

### **Edrychwch a welwch y canlynol :**

- Hollt neu grac;
- Tolc neu ddarn wedi plygu;
- Ffyn coll;
- unrhyw ddarnau rhydd.

### **Peidiwch â defnyddio'r ysgol:**

- os nad yw mewn cyflwr da;
- os yw wedi cael ei pheintio – gall paent guddio unrhyw namau.

## Gofalwch bod eich ysgol yn ddiogel Cwblhewch eich rhestr gwirio ysgol.

- Mae mewn cyflwr cyffredinol da  
(yn lân ac yn sych, ac nid oes arni  
baent gwlyb, olew, mwd ac ati)
- Nid oes unrhyw graciau
- Nid oes unrhyw ffyn ar goll na darnau  
yn rhydd
- Nid yw'r ochrau (fertigol) wedi cael eu  
difrodi na'u plygu
- Nid yw'r pren wedi camdroi na hollti
- Nid oes unrhyw fetel wedi rhydu
- Nid oes unrhyw ymylon miniog na  
tholciau (metel).
- Nid oes unrhyw ffyn (metel) wedi  
Plygu

A yw'r gorchuddion/darnau rwber ar y traed yn  
eu lle ac mewn cyflwr da? **Ydynt/Nac ydynt**

A oes unrhyw ddifrod i'r ffyn/grisiau neu i'r  
platfform ar frig yr ysgol fach? **Oes/Nac oes**

**Os na allwch roi tic ym mhob un o'r bylchau,  
peidiwch â defnyddio'r ysgol!**

**Sylwer: Peidiwch byth â pheintio ysgolion nac  
ysgolion bach gan y gallai hyn guddio  
namau peryglus. Gellir diogelu ysgol bren  
drwy ddefnyddio farnais clir neu  
gymysgedd tryloyw i atal pydru.**